

Canllawiau Gweinyddu a Sgorio ACE-III-Mini Fersiwn Awstralia A (2014)

Fersiwn byr o'r Archwiliad Gwybyddol Addenbrooke-III (ACE-III) yw Archwiliad Gwybyddol Addenbrooke-III-Mini (M-ACE-III) sy'n asesu pedwar parth gwybyddol: sylw, cof, rhuglder llafar, a gallu gweledol-gofodol. Mae'r ACE-III yn cymryd lle'r Archwiliad Gwybyddol Addenbrooke-Diwygiedig (ACE-R) a gafodd ei ddatblygu gan Ymchwil Niwrowyddoniaeth Awstralia (NeuRA; www.neura.edu.au). Y cyfanswm sgôr ar gyfe M-ACE-III yw 30 gyda sgôr uchel yn dangos gwell gweithredu gwybyddol.

Crëwyd y cyfarwyddiadau hyn i wneud y cwestiynau a'r broses o'u sgorio yn gliriach i'r profwr. Darllenwch nhw yn ofalus cyn rhoi'r prawf. Os yn bosibl, gadewch y sgorio tan ddiwedd y prawf, gan na fydd modd i'r cyfranogwr weld os mai ticio am atebion cywir neu roi croes am atebion anghywir y mae'r profwr. Gallai hyn osgoi creu pryder, sy'n gallu amharu ar berfformiad y cyfranogwr yn y prawf.

Er mwyn lawrlwytho'r M-ACE-III, a chael y wybodaeth ddiweddaraf am gyhoeddiadau a chyfieithiadau iaith, ewch i'r wefan ganlynol: <http://www.neura.edu.au/frontier/research>

SYLW – Synnwyr o le ac amser – sgôr 0 i 4

Dull Gweinyddu: Gofynnwch i'r unigolyn beth yw'r diwrnod, dyddiad, mis a blwyddyn.

Sgorio: Sgoriwch 1 pwynt am bob ateb cywir. Caniateir camgymeriad o ± 2 ddiwrnod gyda'r dyddiad (e.e., 5ed pan mai 7fed yw'r dyddiad). Os yw'r cyfranogwr yn dweud 23ain o'r 3ydd, dylid ei annog i ddweud enw'r mis.

Ar gyfer cleifion mud: Caniatewch i'r claf ysgrifennu ei atebion ar bapur, os nad yw'n gallu ymateb ar lafar.

COF – Cofio Enw a Chyfeiriad – sgôr 0 i 7

Dull Gweinyddu: Rhewch gyfarwyddiadau i'r unigolyn: *“Rwy am roi enw a chyfeiriad i chi ac rwy eisiau i chi ailadrodd yr enw a'r cyfeiriad ar fy ôl i. Er mwyn i chi gael cyfle i'w dysgu, fe fyddai'n gwneud hyn dair gwaith. Fe fyddai'n gofyn i chi am yr enw a'r cyfeiriad yn nes ymlaen.”* Os yw'r unigolyn yn dechrau ailadrodd gyda chi, gofynnwch iddynt aros nes y byddwch wedi rhoi'r enw a'r cyfeiriad yn llawn iddynt.

Sgorio: Nodwch ymatebion pob cynnig ond dim ond ymatebion y trydydd cynnig fydd yn cyfrannu at sgôr yr ACE-III (0-7pwynt)

RHUGLDER LLAFAR –Categori – sgôr 0 i 7

Dull Gweinyddu: Dywedwch wrth yr unigolyn: *“Nawr allwch chi enwi gymaint o anifeiliaid â phosib? Fe allan ddechrau gydag unrhyw lythyren.”*

Sgorio: Nodwch gyfanswm y nifer o anifeiliaid mae'r unigolyn yn ei ddweud. Yna, cyfrifwch gyfanswm nifer y geiriau cywir, sydd ddim yn cynnwys categorïau manylach pan fydd enghreifftiau penodol yn cael eu rhoi (e.e. “pysgod” wedi ei ddilyn gan “eog” a “brithyll” - cyfanswm = 3; cywir = 2). Derbynnir pob mathau o anifeiliaid, gan gynnwys pryfed, bodau dynol, cynhanesyddol, diflanedig a chreaduriaid mytholegol (e.e. unicorn). Os yw'r unigolyn yn camddeall y cyfarwyddiadau ac yn enwi anifeiliaid sy'n dechrau gyda'r llythyren “b” (e.e. blaidd, buwch, brithyll etc), yna eglurwch eto dylent enwi anifeiliaid sy'n dechrau gydag unrhyw lythyren.

GALLU GWELEDOL-GOFODOL – Cloc – sgôr 0 i 5

Dull Gweinyddu: Gofynnwch i'r unigolyn dynnu llun wyneb cloc gyda rhifau arno. Ar ôl iddo/iddi orffen, gofynnwch iddynt roi'r bysedd ar "ddeg munud wedi pump". Os nad yw'r unigolyn yn hapus gyda'r llun cyntaf ac yn awyddus i drio eto, gallwch ganiatáu hynny a sgorio'r ail gloc. Gall unigolion gywiro eu camgymeriadau drwy eu dileu wrth dynnu'r llun.

Sgorio: Defnyddir y meini prawf sgorio canlynol i roi cyfanswm o 5 pwynt.

| | |
|---------------|--|
| Cylch | Uchafswm o 1 pwynt os yw'n gylch derbyniol |
| Rhifau | 2 pwynt os yw'r rhifau i gyd wedi eu cynnwys o fewn y cylch ac os ydynt wedi eu gwasgaru yn gyfartal. 1 pwynt os yw'r rhifau i gyd wedi eu cynnwys ond mae'r rhifau un ai tu allan i'r cylch neu ddim wedi eu gwasgaru'n gyfartal. 0 pwynt os nad yw'r rhifau i gyd wedi eu cynnwys |
| Bysedd | 2 bwynt os yw'r ddau fys wedi eu llunio'n dda, hyd gwahanol ac wedi eu gosod ar y rhifau cywir (gallwch ofyn pa un yw'r un mawr a'r un bach) 1 pwynt os yw'r ddau fys wedi eu gosod ar y rhifau cywir ond bod eu hyd yn anghywir NEU 1 pwynt os mai un bys sydd wedi ei osod ar y rhif cywir ac yr hyd cywir NEU 1 pwynt os mai un bys yn unig sydd wedi ei lunio a'i osod ar y rhif cywir, h.y. 5 am 'ddeng munud wedi pump' |

Sgôr 2

Cylch (1); un bys wedi ei osod ar y rhif cywir (1)



Cylch (1); rhifau i gyd yno ond ddim o fewn y cylch (1)

**Sgôr 3**


Cylch (1); rhifau i gyd yno ond heb gael eu gwasgaru'n hafal (1); un bys wedi ei osod ar y rhif cywir (1)



Cylch (1); rhifau i gyd yno ond ddim o fewn y cylch (1); un bys wedi ei osod ar y rhif cywir (1)



Cylch (1); nid yw'r rhifau o fewn y cylch ac mae 2 rif 10 (0); bysedd wedi eu gosod yn gywir (2)



Sgôr 4

Cylch (1); rhifau wedi eu gosod yn hafal (2); un bys wedi ei osod yn gywir (1)




Cylch (1); rhifau i gyd yno ond heb eu gosod yn hafal (1); y ddau fys wedi eu gosod yn gywir (2)



Cylch (1); rhifau wedi eu gosod yn hafal (2); un bys wedi ei osod yn gywir (1)

**Sgôr 5**

Cylch (1); rhifau wedi eu gosod yn hafal ar ddwy ochr wyneb y cloc (2); bysedd wedi eu gosod yn gywir (2)

**COF – Cofio Enw a Chyfeiriad – sgôr 0 i 7**

Dull Gweinyddu: Dywedwch wrth yr unigolyn: “Nawr dywedwch beth ydych chi’n ei gofio am yr enw a’r cyfeiriad yr oedden ni’n eu hailadrodd ar y dechrau”

Sgorio: Sgoriwch 1 pwynt am bob eitem gywir, gan ddefnyddio’r canllaw sgorio a ddarperir yn y prawf.

Harri Pritchard
73 Stryd y Berllan
Bontgoch
Gwynedd

Enghraifft: 1a

| | | |
|--------------------|-----------|-----------------|
| Harri Bryn | 1 + 0 | |
| 78 Stryd y Berllan | 0 + 1 + 1 | |
| Bontbren | 0 | |
| | 0 | Sgôr 3/7 |

Enghraifft: 2a

| | | |
|-------------------|-----------|-----------------|
| Harri Pritchard | 1 + 1 | |
| 73 Stryd Bontbren | 1 + 1 + 0 | |
| | 0 | |
| Gwynedd | 1 | Sgôr 5/7 |

Enghraifft: 3a

| | | |
|------------------|-----------|-----------------|
| Harri Bryn | 1 + 0 | Sgôr 2/7 |
| 33 Ffordd y Waen | 0 + 0 + 0 | |
| Stryd Bontbren | 0 + 0 | |
| Aberystwyth | 0 | |
| Gwynedd | 1 | |

SGÔR – Parth a Chyfanswm Sgôr yr ACE-III-M

Sgorio: Adiych eitemau'r pedwar parth (sylw, cof, rhuglder a gallu gweledol-gofodol) i roi cyfanswm sgôr yr ACE-III-Mini (/30).